

TEN-TORI-LA JCOŋ SI ŊMUŊSA

¹ Mi-na nihianŋ ne ŋmuŋse teniŋ deenŋ pipi ŋ-na Gayas, mi nanɔɔŋ-la mi si sene cho woruŋ.

² Mi nanɔɔŋ-choolii, mi jima ari ma di Wia hɔnuŋ zomɔ. Ŋii titia ne mi yie chuɔle Wia pipiŋ di ŋ kenɔɔŋ ŋ yaraa ma le. ³ La naanɔɔŋ lii wonɔɔŋ ku bula pimi ŋii ŋ sii to wutitii. Ba bula ari ŋ wu-ŋaalaa ne dage ŋii. U ŋii ŋaa mi tuɔŋ tɔre kinɔɔŋ. ⁴ Wii-kala bi leŋe mi tuɔŋ tɔre kinɔɔŋ a mage mi si nia ari mi biiriŋ ka to wutitii wonɔɔŋ-la.

JCOŋ beɛ Gayas le

⁵ Mi nanɔɔŋ-choolii, ŋŋ ŋaa woruŋ ŋ si yie pipe ŋ dɔnsuŋ tinŋaa le si laa Yesu wiaa dii a kenɔɔŋ woruŋ, di ba ne ŋaa nuhuɔraa maa. Ŋŋ to wonɔɔŋ woruŋ ne. ⁶ Ba bul ŋ wiaa a pi la nialiŋ si laa Yesu wiaa dii aa hilimi. Ba bul ŋii ŋ si cho niaa. U maga di ŋ ma heɔɔŋ a pipeba le ari kuŋ-kala ba sii che di ba kaa venŋ wonɔɔŋ. Ŋaa ŋii si jaŋ leŋ di Wia tuɔŋ tɔre, ⁷ beɛ wiaa ba lii ba diisiŋ le di ba tinŋ Kiriŋito tinŋtinŋaa ne. Ba via di ba laa kuŋ-kala nialiŋ si bi Wia wiaa laa dii teenŋ ne. ⁸ U maga di la nialiŋ si laa Wia wiaa dii ne pe niaa deenɔɔŋ le. Di la ne ŋaa ŋii, la jaŋ wuo ŋaa ba dɔnsuŋ tinŋaa a peba le wutitii tinŋtinŋaa le.

Dayotifis bi woruŋ ŋaa

⁹ Mi laa sipaanŋ ŋmunŋse teniŋ a pi ma nialinŋ si laa Yesu wiaa dii aa hilimi. Ama baal kubala ba sii yire Dayotifis he ma tuonŋ a faa cho duu ŋaa ma kuhianŋ. U jonŋ hariŋ yia wii-la mi si bula ne. ¹⁰ Di mi ne ko, mi janŋ bula pima wialinŋ kala u sii ŋaa. U yie gaa mi hariŋ a chichei mi yirinŋ. Ŋii ma dunɗunɗa dee. La naanɗiiri-la si ŋaa nuhuɗraa, di ba ne ko, u biba woruŋ keŋ, aŋ bira po nialinŋ ma sii che di ba keŋba woruŋ, di ba si ŋii ŋaa. U yie kiriba dia-la le, lee-la nialinŋ si laa Yesu wiaa dii si yie hilimi.

¹¹ Mi nanɗonŋ-choolii, si nialinŋ sii ŋaa wu-bonŋɗoo chesu. Ama chichesi nialinŋ sii ŋaa wu-zonŋɗoo. Nii-la kala sii ŋaa wu-zonŋɗoo ŋaa Wia bii-lulii ne. Nii-la ma kala sii ŋaa wu-bonŋɗoo, u tiina bi Wia jinŋ. ¹² Baal-la ma ba sii yire Demiitias ŋaa ni-zonŋ ne. Nuukala bubul u wiaa woruŋ. U wu-ŋaalaa ma titia dage ŋii u sii to wutitii le ŋii. Mi maa bul u wiaa woruŋ. Ma jima ari wialinŋ kala mi sii bul ŋaa wutitii ne.

Chuɗlaa

¹³ Mi keŋ wiaa yuge ne mi sii che di mi bula pinŋ. Ama mi bi che di mi ŋmunŋse ba kala teniŋ tuonŋ. ¹⁴ Mii che di mi titia ku yi-ŋ ne leele, di la hono bul wiaa.

¹⁵ Ŋ janŋ honŋ ari yarifiɗlaa. Ŋ nanɗonŋsunŋ kala si he daha ka chuɗluŋ. Ŋ ma chuɗle la nanɗonŋsunŋ kala si he dime pila.

**Yesu Kiristito Wu-Zongɔɔ (Ghana)
Sisaala-Tumulung NT Ghana**

copyright © 2014 Wycliffe Bible Translators, Inc.

Language: (Sisaala, Tumulung)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Sep 2022 from source
files dated 13 Jun 2022
b3eb8618-120f-5a96-8c1c-1dbc16914330